

Kalaallit Nunaanni aalisakkat aalisakkanillu nioqqutissiat il.il. nakkutiginerannut akiliut pillugu nalunaarut

Inuussutissat il.il. pillugit inatsisip Kalaallit Nunaanni atortuulersinneqarnissaanik peqqussummi nr. 523, 8. juni 2004-meersumi § 53 aamma uumasuni nappaatit tunillannartullu pillugit inatsisip Kalaallit Nunaanni atortuulersinneqarnissaanik peqqussummi nr. 524, 8. juni 2004-meersumi § 33, imm. 2 naapertorlugit aalajangerneqarpoq:

§ 1. Inuussutissalerinermut Aqutsisoqarfiup aalisakkanik sullivinnik nakkutilliinera pillugu ukiumut akileraarut ilanngussaq 1-imi annertussusiligaq akilerneqassaaq, uumasunit nerisassianik pisortat nakkutilliinerata pilersaarusiorneranut aalajangersakkat immikkut ittu pillugit Kalaallit Nunaanni nalunaarummut ilanngussaq 1 aamma 2 naapertorlugit aalisariutit misissuiffigineqartut ilanngullugit eqqarsaatigalugit, tak. inuussutissaleriffiit pillugit Kalaallit Nunaanni nalunaarummut ilanngussaq 9 aamma 10.

Imm. 2. Inuussutissalerinermut Aqutsisoqarfiup sullivinnik nakkutilliinera pillugu ukiumut akileraarut ilanngussaq 1-imi annertussusiligaq akilerneqassaaq, fiskemeliliorneq, fiskeolialiorneq, aalisakkanik panertuliorneq aamma aalisakkat qerisuunngitsut atuisunut nioqqutissiassaangitsut pillugit Kalaallit Nunaanni nalunaarut naapertorlugu aalisariutit misissuffigineqartut ilanngullugit eqqarsaatigalugit.

Imm. 3. Suliffeqarfiit nutaat imm. 1 – 2-mi pineqartut ukiup sinneranut qaammatit ilivitsut amerlassusiat malillugu akiliissapput.

Imm. 4. Suliffeqarfiit imm. 1 – 2-mi pineqartut atorunnaarneranni nakkutilliinermut akileraarutit ukiup sinneranut qaammatinut ilivitsunut akileriikkat utertillugit akilerneqassapput.

Imm. 5. Akileraarutit imm. 1 – 3-mi pineqartut akuersisummik pigisallip taannaluunniit sinnerlugu inatsisitigut ingerlatsisup akilissallugit pisussaaffigai.

§ 2. Suliffeqarfimmik akuerisamik, matumani ilanngullugu aalisariummik piginnittup misissuisitsineranut akileraarutit aningaasartuutit aamma angalanermut najugaqarnermullu aningaasartutit tunngavigalugit annertussisilikkat akilerneqassapput.

§ 3. Immikkut pisoqartillugu inuussutissanik nakkutilliinermi uumasullu nakorsaasa nakkutilliineranni aningaasalersuineranut malittarisassat malillugit nakkutilliinermut akileraarutit inuussutissalerinermut aqutsisoqarfiup annikillissinnaavai aamma akilinngitsoortivissinnaavai.

§ 4. Nalunaarut manna atuutilerpoq 1. november 2011.

Imm. 2. Aalisakkat aalisakkanillu nioqqutissiat pitsaassusissaannik nakkutiginninnissaq pillugu inatsit aamma uomasuutit nappaataat pillugit inatsisip naapertorlugit Kalaallit Nunaanni akileraarutininik akiliisarnissamik nalunaarut nr. 466, 15. juni 1999-meersoq atorunnaarsinneqarpoq.

Imm. 3. 1. november 2011 sioqqullugu akileraarutissat maannamut malittarisassat malillugit akileqquneqassapput. Taamaattumik 2011-mut tunngatillugu akit nalunaarut nr. 466, 15. juni 1999-meersumut ilanngussaq 1-imi taaneqartut 1. november tikillugu 10/12-ii aamma ukiup sinneranut akit nalunaarummut uunga ilanngussami taaneqartut 2/12-ii akileqquneqassapput. 2011-mut akit naatsorsukkat ilanngussaq 2-mi taaneqarput.

Inuussutissalerinermut Aqutsisoqarfik, ulloq 26.oktober 2011

ESBEN EGEDE RASMUSSEN

/ Flemming Simonsen

Ilanngussaq 1**Ukiumoortumik akileraarutissat nalunaarsornerat**

Akileraarutissaq imm. 1-imi taaneqartooq nalunaarsuummi kingulianiittumi aalajangersarneqarpoq:

Sulliviup suunera	Akuersissuteqarfiit amerlassusiat		
	1	2	3 iml. amerl.
I	36.500 kr.	48.600 kr.	58.300 kr.
II	24.300 kr.	34.000 kr.	46.200 kr.
III	17.000 kr.	21.900 kr.	34.000 kr.
IV	7.800 kr.	-	-
V	14.500 kr.	21.900 kr.	34.000 kr.
VI	14.500 kr.	-	-

Sulliviit suussusii makkununga tunngasuupput:

- I – III Nunami sulliviit atuisunut tunisassioortut
- IV Aalisariutit immikkut ittunik atortullit
- V Aalisariutit qerititerisut tunisassioorfiusullu
- VI Nunami sulliviit atuisunuunngitsoq tunisassioortut

Immikkoortuni I-III-ni sulliviup imaluunniit aalisariutip akuersissuteqarfii arlaliusinnaapput.

Qulequttami “akuersissuteqarfiit”-ni sulliviit aalisariutilluunniit akuersissuteqarfinni kingullerni taaneqartunik nioqqutissiallit sulliviup suunera apeqqutaatillugu akileraarutissaat annertussusilerneqarput.

Akuersissuteqarfiit suussusii apeqqutaatinnagit tamarmik immikkoortiterneqarfimmini akileraarutissaat annertussusilerneqarput.

Suunera	Akuersissuteqarfiit
I	Nerpiit il.il. aserortigaliat Nerpiit akuutissanik tanillugit seernarsakkat Nerpiit igariaannangortitat Nerpiit uuttat siatallu Raajat uuttat ameraajakallu Qaleruallit uuttat qaleruaajakallu Uiluinnik assigisaanillu saliineq Uiluinnik assigisaanillu suli uumasunik poortuineq Aalisakkanit nioqqutissianik qerisuunngitsunik inerlugit poortuineq Raajanik tarajulilaarlugit imermiitsitanik inerlugit poortuineq Aalisakkanit nioqqutissianit pujuukkanik inerlugit poortuineq Aalisakkanit nioqqutissianit akuutissanik tanitanik inerlugit poortuineq Aalisakkanit nioqqutissianit uuttanik siatanillu inerlugit poortuineq

II	<p>Qimerluerlugit nerpiiaaneq (assersuutigalugu siatassianik aamma Japan-cut)</p> <p>Aalisakkanit pujuugaliorneq</p> <p>Aalisakkanit qillertuusarmiuliorneq</p> <p>Aalisakkanit nioqqutissiat asiunaveersakkat matoqqittakkat</p> <p>Aalisakkanit nioqqutissianik qerititerineq</p> <p>Aalisakkanit nioqqutissianik qerititanik poortueqqiineq</p> <p>Aalisakkat proteiniinik nioqqutissiorneq</p> <p>Nerpinnit qajuussianik nioqqutissiorneq</p>
III	<p>Aalisakkanik suliarineqanngitsunik amerlasuukkuutaanik poortukkanik toqqortarinnineq</p> <p>Aalisakkanik suliarineqanngitsunik amerlasuukkaanik poortuineq</p> <p>Aalisakkanit nioqqutissianik amerlasuukkaatut nioqqutissianik inerlugit poortukkanik toqqortarinnineq</p> <p>Aalisakkanik imermut tarajulaakkanik, akutissalikkanik seernarsakkanillu amerlasuungorlugit poortukkanik nioqqutissiorneq</p> <p>Aalisakkanik tarajortigaliorneq</p> <p>Aalisakkanik panertuliorneq</p> <p>Aalisakkanit nioqqutissianik qeritillugit asiunaveersaaneq</p>
IV	Aalisakkanik suliarineqanngitsunik aalisariummi nillartaartitsiveqarfimmiitsitsineq
V	<p>Nerpinnik sequtsigaliorneq</p> <p>Aalisakkanit nioqqutissianik qeritillugit asiunaveersaaneq</p> <p>Aalisakkanit nioqqutissianik qerititerineq</p> <p>Raajanik uutsiterineq</p> <p>Qimerluerlugit nerpiiaaneq (assersuutigalugu siatassianik aamma Japan-cut)</p> <p>Uiluinnik qaleruaajaaneq</p>
VI	<p>Atuisunut nioqqutissaanngitsunik aalisakkanit qajuussaasioorneq, aalisakkanit uulialiorneq, aalisakkanit panertuliorneq aamma aalisakkanik suliarineqanngitsunik nioqqutissiorneq</p>

2011-mi akit

Sulliviup suunera	Akuersissuteqarfiit amerlassuiat		
	1	2	3 arlallilluunniit
I	20.892 kr.	27.867 kr.	33.429 kr.
II	13.921 kr.	19.488 kr.	26.475 kr.
III	9.746 kr.	12.533 kr.	19.488 kr.
IV	4.475 kr.	-	-
V	8.321 kr.	9.554 kr.	11.571 kr.
VI	2.417 kr.	-	-